

大宗地玄文本論卷第五

第六同卷

疑四

馬鳴善薩造

陳真諦三藏譯

不可思議俱俱微塵一切山王道路大決擇分第十三

茲問

如是已說不可思議不可稱量俱俱微塵本大山王大決擇分次當說不可思議俱俱微塵一切山王道路大決擇分其相云何偈曰微塵道路中 有十方界量 五十一本位名與前說等 一五十一中 一一皆各各有十方界量

障治三寶海 如一餘亦爾餘一切位亦復如是如偈如一餘亦爾配此應了知故如是已說現示本體安立門次當說現示上末轉相門其相云何偈曰今此道路佛 出興小無量 法及化大海 第二轉覺者 出興中無量 法及化大海 第三轉覺者 出興大無量 法及化大海 後後諸轉中 如次第無超 漸漸增數量 論曰依一本信出興覺者總有一十方世界之數量其中一佛成道已訖則便出興小無量十方世界之微塵數量無礙自在化身大

海如是數量信心大海如偈今此道路佛出興小無量法及化大海故依此佛身出興化身總有小無量十方世界之微塵數量其中一佛出興已訖則便出興中無量十方世界之微塵數量無礙自在化身大海如是數量信地大海如偈疑四第二轉覺者出興中無量法及化大海故依此化身出興化身總有中無量十方世界之微塵數量其中一佛出興已訖則便出興大無量十方世界之微塵數量無礙自在化身大海如是數量信地大海如偈第三轉覺者出興大無量法及化大海故如是如是隨隨如如後諸轉中如次無超漸漸增數量如偈後後諸轉中如次第無超漸增數量故舉此一隅應廣通達本品足地智修多羅中作如是說大地微塵譬喻大海履

行無住法門第一轉中小無量大方微塵之數品第二轉中中無量品第三轉中大無量品第四轉中無邊無量品第五轉中無數無量品第六轉中無量無量品第七轉中不可計量無量品第八轉中具足無量品第九轉中不可說無量品第十轉中不可思議無量品乃至廣說故

一切虛空一切微塵數量高王大決擇分第

十四

如是已說不可思議俱俱微塵一切山王道路大決擇分疑四次當說一切虛空一切微塵數量高王大決擇分其相云何偈曰

虛空微塵中則有十方量十方塵空量五十一本位一五一中一一皆各各有如前說量障治三寶海

論曰就一切虛空一切微塵數量高王分中
則有十方世界之塵量十方世界之塵量五
十一種根本位十方世界之塵量十方虛空
之塵量五十一種根本位如偈虛空微塵中
則有十方量十方塵空量五十一本位故就
一五一十一種根本位中一一各各有十方世
界之塵量十方世界之塵量十方世界之塵
量十方虛空之塵量煩惱大海對治大海僧
寶大海法寶大海佛寶大海具足轉故如偈
一五一十一中一一皆各各有如前說量障治

三寶海故如是已說現示本體安立門次當
說現示上末轉相門其相云何偈曰
此本王覺者 前數倍十重 興化宣說法
大聰明能了 後後諸轉中 如次第無超
漸漸增數量 轉勝廣大轉

論曰今此門中爲明何義爲欲現示依一本
信出興覺者其中一佛譬喻譬喻之數量增
益十重出興變化宣說信地後後轉中漸漸
增數百千萬億乃至無量無窮盡故如偈此
本王覺者前數倍十重興化宣說法大聰明
能了後後諸轉中如次第無超漸漸增數量
轉勝廣大轉故地智修多羅中作如是說可
一總持大周遍王之自體轉相無量無邊譬
喻量說轉化時中漸增數量滿玄數量乃至
廣說故

獨地非亂一定一定道路大決擇分第十五
卷四
如是已說一切虛空一切微塵數量高王大
決擇分次當說獨地非亂一定一定道路大
決擇分其相云何偈曰
非亂道路中 亦有金剛位 一一位各各

有本存一故 一百二數成 依位立轉相

則有五種重 謂上一本一俱轉及不雜

圓滿具足位

論曰就獨地非亂一定一定道路分中亦有
五十一種真金剛位一一位位皆悉各各有
本存一以此義故一百二數成立而已如偈
非亂道路中亦有金剛位一一位各各有本
存一故一百二數成故依如是位建立轉相
則有五種云何爲五一者上上一一轉相門
二者本本一一轉相門三者俱行不離轉相
門四者區區不雜轉相門五者圓滿具足轉
相門是名爲五如偈依位立轉相則有五種
重謂上一本一俱轉及不雜圓滿具足位故
第一轉相形相如何偈曰

五十一種位 一各攝五十 一時一處轉

卷四

然不可合一
論曰云何名爲上一一門所謂五十一種位
一一位位各攝五十一時處轉若爾合集應
作一體各別一轉不可合一如偈五十一種
位一各攝五十一時一處轉然不可合一故
如是已說上上一一轉相門次當說本本一
一轉相門其相云何偈曰
五十一本一一各攝五十 一時一處轉
然不可合一
論曰云何名爲本一一門所謂五十一種本
一一種本一各攝五十一時處轉若爾合集
應作一體各別一轉不可合一如偈五十一
本一一各攝五十一時一處轉然不可合一
故如是已說本本一一轉相門次當說俱行
不離轉相門其相云何偈曰

本一及上一 互各攝諸位 偶轉不捨離
然不可合一

論曰云何名爲俱行轉門所謂本一五十一
法一一各各攝上一五十一法上一五十一
法亦能攝彼本俱行俱轉不相離故然各別
別一時處轉不可合一如偈本 及上一互
各攝諸位俱轉不捨離然不可合一故如是
已說俱行不離轉相門次當說區區不雜轉
相門其相云何偈曰

本上一切位 一一皆各各 安住自家中
不攝他法故

論曰云何名爲區不雜門所謂所有一切種
種本上諸位一一各各唯安住自家中亦不
移轉亦不出入亦不攝他亦不定常常恒具
足遍廣大故如偈本上一切位一一皆各各

安住自家中不攝他法故故如是已說區區
不雜轉相門次當說具足圓滿轉相門其相
云何偈曰

前所說四門 一切時處等 無礙自在轉
名具足圓滿

論曰云何名爲具足轉門所謂如前所說四
門一時轉一處轉異時轉異處轉一轉離轉
總轉別轉無礙自在故如偈前所說四門一
切時處等無礙自在轉名具足圓滿故摩訶
衍大薩羅尼金剛神呪修多羅中作如是說
一一一切一切離雜有無一稱一量法藏門
海中總有二法云何爲二者是總二者是
別言別者四種俱輪地故言總者四種俱輪
自在轉故乃至廣說故

獨地獨天一種廣大無二山王大決擇分第

十六
如是已說獨地非亂一定一定道路大決擇
分次當說獨地獨天一種廣大無二山王大
決擇分其相云何偈曰

此山王體中梵曰則有二種門七謂自性本本
如次應觀察

論曰就此獨地獨天一種廣大無二山王體
中則有二門云何爲二一者本一自性位地
門二者本一之本位地門是名爲二如其次
第應審觀察如偈此山王體中則有二種門
謂自性本本如次應觀察故自性位地形相
如何偈曰

彼本一法中不待他自然有五十一位

是名自性位如是五十一一一皆各各
有五百法門周遍廣大轉

論曰云何名爲自性位地所謂如前所說五
十一種本一法中一一各各不待他力自然
自性有五十一真金剛位是故說言自性位
地如偈彼本一法中不待他自然有五十一
位是名自性位故如是各各五十一位一一
各各有五百法門之大海亦周遍轉亦廣大
轉如偈如是五十一一一皆各各有五百法
門周遍廣大轉故於此位中亦如前說五種
大門具足具足圓滿圓滿應審思擇如是已
說本一自性位地門次當說本一之本位地
門其相云何偈曰

五十一本法亦各有本法名空空空一
此中亦有位

論曰本一所依空空空一中亦有諸位一
位位皆悉各各十萬法門具足圓滿無闕失

轉於此位中亦有前說五種大門具足具足圓滿圓滿應審思擇品論修多羅中作如是說禪定摩訶衍體中則有三大門云何爲三

一者上地安立廣大海會門二者宗本有有一門三者根本空空空一門如是三門皆

有諸位具足圓滿同轉異轉等乃至廣說故

獨一無二山王自在道路大決擇分第十七如是已說獨地獨天一種廣大無二山王大決擇分次當說獨一無二山王自在道路大決擇分其相云何偈曰

自在道路中總有千重轉謂本上一中各各五百故

論曰就此無二山王自在道路分中總有千重差別轉相所謂本上中各各五百故如偈自在道路中總有千重轉謂本上一中各各

五百故故本轉形相當如何耶偈曰向本一下轉一空一有轉乃至第五百餘位亦如是

論曰今此偈中爲明何義爲欲現示依本一

門向下下轉有一金剛空一金剛如其次第

一一現前漸漸轉入乃至第五百如是亦復餘諸位中漸漸轉入乃至第五百無有窮盡無有邊際無有始終具足圓滿廣大常恒轉故如偈向本一下轉一空一有轉乃至第五百餘位亦如是故上轉形相例此應知

疑四

九

因明性德修多羅中作如是說無二一天父子法藏上上轉去有其始終無有窮盡下下轉入有其始終無有窮盡有始終者從信等位起至五百量故無窮盡者法藏之海極廣大故乃至廣說故

摩訶無二山王最勝高頂一地大決擇分第

十八

如是已說獨一無二山王自在道路大決擇分次當說摩訶無二山王最勝高頂一地大決擇分其相云何偈曰

本上無窮盡 建立如是名 所餘一切位亦如是應知

論曰今此偈中爲明何義爲欲現示本本無窮上上無窮本上無窮上本無窮一一無窮多多無窮同同無窮異異無窮等等無窮別別無窮有窮無窮無窮無窮周遍廣大具足圓滿故如偈本上無窮盡建立如是名所餘一切位亦如是應知故摩訶衍海修多羅中作如是說禪定摩訶衍海中一千二百無窮盡品具足俱轉乃至廣說故

大宗地玄文本論卷第五